

**REZIMEI PODRŽANIH PROJEKATA
FOND VOLIM SVOJ GRAD**

**Javni poziv za podršku projektima organizacija, javnih ustanova i neformalnih grupa građana sa TK
Broj 1 – FVSG - 1/2023; protokol broj: KP II- 9/23**

Naziv aplikanta: NG Razvojni tim OŠ Puračić, Lukavac

Naziv projekta: Sportskim aktivnostima do zdravlja

Odobreno sredstava (KM): 3.999,35

Razvojni tim OŠ Puračić želi poduzeti preventivne mjere sa ciljem poboljšanja psihičkog i mentalnog zdravlja djece i mladih. Prve projektne aktivnosti se odnose na nabavku opreme koja je neophodna za školski poligon i fiskulturnu salu. Zatim će biti održane radionice na temu "Pružanje prve pomoći u slučaju sportskih povreda" od strane CK i predavanje o uzrocima i posljedicama neadekvatnog korištenja slobodnog vremena od strane uposlenika doma zdravlja. Nakon toga će članovi sekcije Civitas održati prezentaciju svog istraživanja na temu deformiteti kičme, te će učenicima biti ponuđemo par radionica od uposlenika OŠ Puračić kao i prezentacije sportskih klubova u Lukavcu od strane njihovih volontera.

Naziv aplikanta: Udruženje Sretna Žena, Banovići

Naziv projekta: Otpad po boji razdvoji i nagradu osvoji

Odobreno sredstava (KM): 4.000,00

Udruženje Sretna Žena kroz ovaj projekat želi da sprovede edukacije o selekciji otpada sa srednjoškolicima i mladima u Općini Banovići, s obzirom da su završili prvu fazu projekta (podržani kroz Porticus te bi ovo bio nastavak prethodnog, već implementiranog projekta u osnovnim školama). Projektom planiraju edukaciju po grupama, reciklažu tekstila i razmjenu starih pamučnih odjevnih predmeta, te edukaciju mladih o tkanju i preradi tranine i postavljanje 3 kontejnera za primarnu selekciju otpada. Navode da su sa menadžmentom škole obavili preliminarne razgovore, te da će, u slučaju da budu podržani, nabaviti saglasnost Ministarstva obrazovanja i nauke TK. Namjeravaju da organizuju radionice za uposlenike škole i profesore, članove ekološke sekcije i vijeća učenika koji će dalje, uz mentorstvo, sprovesti edukaciju za sve učenike u školi. U edukaciju o primarnoj selekciji otpada namjeravaju uključiti 650 učenika.

Naziv aplikanta: Udruženje građana Šahovski klub Zmaj, Vučkovci, Gradačac

Naziv projekta: Šah u škole

Odobreno sredstava (KM): 3.994,00

UG Šahovski klub Zmaj Vučkovci ovim projektom planira nabaviti 20 šahovskih kompleta, organizovati prvenstvo osnovnih škola sa područja grada Gradačca, te nakon prvenstva svakoj školi pokloniti po 10



šahovskih garnitura, kao i jednu demonstracionu tablu, za rad sekcija. Pored navedenih prvenstava, u svakoj školi bit će organizovana dva časa edukacije o šahu. Teme koje namjeravaju obraditi kroz planirane edukacije su samostalno razmišljanje, planiranje, poštovanje pravila, strpljivost i samopouzdanje. Ovim projektom žele unaprijediti van-nastavne aktivnosti po školama kako bi bile u mogućnosti uz navedene šahovske komplete organizovati turnire, razvijajući motivaciju za bavljenje sportovima i samim time smatraju da bi pozitivno uticali na mentalno i fizičko zdravlje učenika. Realizacijom projekta zainteresovali bi učenike za racionalnije korištenje slobodnog vremena, gdje bi učenici stekli samopouzdanje i osjećaj vrijednosti.

Naziv aplikanta: Javna ustanova radio televizija Lukavac

Naziv projekta: Otpad nije smeće od tebe sve kreće

Odobreno sredstava (KM): 2.860,21

Projekat "Otpad nije smeće, od tebe sve kreće" ima za cilj podići ekološku svijest građana na području grada Lukavac o odlaganju i zbrinjavanju otpada. Planirano je da se projekat implementira kroz tri tematske radionice, koje bi bile snimane u obdaništima i od njih bi se pripremile tv emisije. U radionicama bi bilo praktično prikazano kako se korisno mogu iskoristiti stvari koje bi inače završile u smeću. Promocija projekta je planirana kroz manifestaciju "Osmijeh se vratio u grad", kroz televizijski program te kroz završnu konferenciju. Tokom promocije bi se istovremeno radilo i na edukaciji građana i djece, a na konferenciji bi bili predstavljeni rezultati projekta i utjecaj edukacija na građane. Projektom se također žele potaknuti vlasti, preduzeća i eko udruženja da uzmu aktivnije učešće u podizanju svijesti o očuvanju okoliša

Naziv aplikanta: Ronilački klub Vidara, Gradačac

Naziv projekta: Ronilački kamp 2023

Odobreno sredstava (KM): 3.999,00

Ronilački klub Vidara Gradačac želi organizovati ronilački kamp za mlade od 18-30 godina i radionice na temu elementarnih nepogoda kao što su zemljotresi i poplave i preventivne mjere i spašavanje u vrijeme nepogoda. Uslijedio bi zatim javni poziv za sve zainteresovane da dodju na demonstraciju ronjenja i spašavanja na bazenu u kontrolisanim uslovima, gdje bi sve ono što su naučili na radionicama sada pokazali u praksi. Radionice, kao i kompletan projekat namjeravaju snimati dronom i tim putem promovisati projekat, klub i ronjenje kao sport. U cilju poboljšanja životne zajednice, namjeravaju obučiti 4 mlade osobe da poloze međunarodno priznat certifikat i tako sutra pomognu svom gradu, kantonu, državi i šire. Po završetku projekta namjeravaju raspisati javni poziv za prijem novih članova u klub, te tako ojačati kapacitete i spremnost da sutra bolje reaguju u vrijeme elementarnih nepogoda i sličnih intervencija.

Naziv aplikanta: Penjački klub Živinice

Naziv projekta: Alpinizam i sportsko penjanje kao stil života

Odobreno sredstava (KM): 3.946,00

Živinice Penjački klub UP želi organizovati edukaciju djece, mladih i odraslih ljudi iz oblasti alpinizma i sportskog penjanja. Prvenstveno žele kontaktirati službe za spašavanje, omladinska i planinarska udruženja te na taj način oformiti grupu od 10 polaznika za teoretsku i praktičnu nastavu iz oblasti alpinizma. Broj



polaznika je karakterističan zbog toga što se edukatori moraju maksimalno posvetiti svim polaznicima, te zbog njihove sigurnosti. Pored toga, Penjački klub UP će organizovati dane otvorenih vrata u JU BKC Živinice, gdje se nalazi najveća umjetna stijena u BiH, kako bi djeca školskog uzrasta imala priliku besplatno se upoznati sa sportskim penjanjem kao olimpijskim sportom.

Naziv aplikanta: Planinarsko društvo Resnik, Memići, Kalesija

Naziv projekta: Resniku u pohode

Odobreno sredstava (KM): 3.495,00

Planinarsko društvo Resnik ovi projektom želi obilježiti 80 km dugu planinsku stazu i promovisati istu široj javnosti kroz uspostavu info punkta u Mjesnoj zajednici Memići . Planiraju i organizaciju planinarskog susreta za planinare sa područja Bosne i Hercegovine, ali i za ostale ljubitelje prirode pri čemu bi se stvorili uslovi za aktivno i kreativno provođenje slobodnog vremena. Očekuju oko 500 posjetitelja. Navedenim aktivnostima žele promovisati značaj uticaja prirode na zdravlje ljudi, te probuditi svijest o očuvanju prirode i njenih bogatstava sa kojima se općina Kalesija može pohvaliti.

Naziv aplikanta: JU Mješovita srednja škola Teočak

Naziv projekta: Učionica Družionica

Odobreno sredstava (KM): 3.073,48

"Učionica Družionica" je projekat čiji je cilj boravak učenika na otvorenom, briga o okolini, doprinos zdravom načinu života i kvalitetnijem korištenju slobodnog vremena učenika, te međuentitetsko povezivanje i druženje mladih ljudi. Planirano je da se Učionica Družionica koristi za izvođenje redovne nastave, vannastavnih aktivnosti, edukativnih i kreativnih radionica, predavanja, druženja učenika i sastanke. Projektne aktivnosti obuhvataju čišćenje i uređenje terena, popravljjanje i farbanje klupa i školskih stolova. Zatim je planirana sadnja cvijeća, postavljanje hranilica za ptice i školske table. Završenu učionicu - družionicu bi posjetili učenici iz Janje sa kojima bi se realizovale edukativno - zabavne aktivnosti, ali i učenje o kulturi i tradiciji opštine Teočak.

Naziv aplikanta: Udruženje gluhih i nagluhah, Banovići

Naziv projekta: Učimo znakovni jezik

Odobreno sredstava (KM): 4.000,00

Udruženje gluhih i nagluhah Općine Banovići želi da održi kurs znakovnog jezika za 20 polaznika, uposlenika Doma Zdravlja Banovići, MUP-a Banovići i Organa uprave Banovići. Gluhonijeme osobe imaju poteškoća u komunikaciji i sporazumijevanju u javnim ustanovama i samom organizacijom kursa znakovnog jezika za ljude koji čuju, a rade u javnim ustanovama, bi se savladale osnovne poteškoće u komunikaciji sa gluhim i nagluhim osobama i time im se olakšalo uklapanje u svakodnevnicu. U sklopu projekta će se kreirati brošura o osnovama znakovnog jezika i projekat će biti medijski popraćen, putem internet portala, štampe i televizije.

U



Naziv aplikanta: Biciklistički klub MTB Trebava, Gračanica

Naziv projekta: MTB maraton

Odobreno sredstava (KM): 3.925,00

Biciklistički klub MTB Trebava ovim projektom planira organizovati MTB maraton i okupiti preko 200 biciklista na izletištu Vis koje se nalazi na oko 650 m nadmorske visine. Ovim projektom namjeravaju raditi na promociji sporta, turizma i zdravog načina života na području grada. Planirano kretanje na ovom maratону bit će od Visa do Ratiša i nazad, to je staza koju su njihovi članovi uz pomoć Fondacije obilježili u proteklom periodu. Planiraju i postavku 10 znakova na stazi, a tiču se očuvanja okoliša jer su primjetili gomilanje otpada i smeća duž staze. Očekuju učešće preko 200 biciklista, kojima planiraju obezbjediti startne pakete u vidu energetske pločice, banane i voda/sok. U projektu planiraju i nabaviti potreban alat koji im je potreban za brzi servis bicikla u slučaju da neko ostane u kvaru na stazi i namjeravaju obezbjediti pratnju kompletnom dužinom staze. Nakon povratka na početnu tačku planiran je ručak za sve učesnike, kao i dodjela priznanja i zahvalnica najstarijim i najmlađim učesnicima i klubovima koji su podržali aktivnosti. U sklopu projekta bi očistili i 30 km dugu stazu od smeća na mjestima gdje su primjetili gomilanje otpada. Ovim aktivnostima bi upoznali učesnike i sa trasom starog rimskog puta i povećali broj članova svog udruženja.

Naziv aplikanta: Udruženje Mreža nenasilne komunikacije

Naziv projekta: Zamijeni mržnju razumijevanjem- kampanja protiv govora mržnje

Odobreno sredstava (KM): 2.663,40

Mreža nenasilne komunikacije želi provesti kampanju osvještavanja štetnosti i posljedica govora mržnje u javnom prostoru koji je u svakodnevnoj upotrebi. U toku projekta bi organizovali okrugli sto za građanstvo na temu "Moć zajednice u prevladavanju govora mržnje" na kojem bi sudionici mogli iznijeti svoje stavove o tome kako zajednica može udruženo djelovati u zaustavljanju i prevenciji upotrebe govora mržnje u javnom prostoru. Nakon toga bi bila organizovana debata za učenike osnovnih i srednjih škola kroz koju bi bio cilj osvijestiti kod mladih koliko riječi mogu povrijediti ili povezati osobe koje su u odnosu. MNK bi radila i na izradi edukativnih materijala i na njihovoj distribuciji u lokalnoj zajednici uživo i onlame, koji se tiču posljedica govora mržnje, kao i načini nošenja sa istim. Članovima zajednice koji su izloženi govoru mržnje bi bila ponuđena podrška od strane MNK volontera.

Naziv aplikanta: Javna ustanova Osnova škola "Ivan Goran Kovačić"

Naziv projekta: Poznate ličnosti našeg grada

Odobreno sredstava (KM): 3.030,00

JU OŠ Ivan Goran Kovačić Gradačac ovim projektom želi predstaviti vrijednosti i kulturno-historijski sadržaj kraja kroz znamenitosti i poznate ličnosti grada Gradačca. Kao prvu aktivnost planiraju dokumentovati znamenitosti grada kroz film i video kolaže, te obilazak Kule Zmaja od Bosne, Sahat kule, jezera Hazna i Vidara sa učenicima 7c odjeljenja, te parka Stara Banja. Nakon toga planiraju odlazak u Gradsku biblioteku i upoznavanje sa Zavičajnom knjigom sa 20 učenika, tri nastavnika i tri roditelja. Predavanje u prostorijama gradske biblioteke bit će organizovano od strane zaposlenika biblioteke, kao i upoznavanje sa Zavičajnom knjigom u kojoj su navedene sve istaknute ličnosti Gradačca. Drugi dio projekta se odnosi na organizovanje



časova odjeljske zajednice sa pozvanim gostima koji se budu odazvali da predstave svoj rad i uspjeh. Planiraju da pozovu istaknute sportiste Damira Doboraca, Ešrefa Jašarevića, te Melihu Smajlović (Ismailoğlu) uzivo ili online. Završni dio projekta se odnosi na prezentaciju radova kroz organizaciju Okruglog stola, Vijeća učenika škole i Vijeće roditelja škole. Nastavničko vijeće će biti informisano prezentacijom i izvještajem rada projektnih aktivnosti.

Naziv aplikanta: Mjesna zajednica Šibošnica

Naziv projekta: S potpisom Majevice - Primjeti priliku i okreni u svoju korist

Odobreno sredstava (KM): 3.995,00

Mjesna zajednica Šibošnica ovim projektom želi realizovati radionice na temu afirmacije mladih i žena u privredi kroz samozapošljavanje, kao i edukaciju za pčelare i time uvećati ekonomsku aktivnost žena i mladih u općini Čelić. Teme koje će se obradivati u radionicama su ručni radovi, uzgoj i branje ljekovitog bilja, potencijal iskoristivosti šumskih plodova sa akcentom na gljive, organska proizvodnja i hortikultura. Projekat bi bio zaokružen sajmom domaćih organskih porizvoda i domaće kuhinje, u okviru domaće kulture i umjetnosti. Prva edukacija bi bila namjenjena ženama iz zajednice gdje bi predavač iz Centra za edukaciju i obrazovanje održao edukaciju i prezentirao sve benefite koji se pružaju danas ženama kroz samozapošljavanje. Druga edukacija bi se održala za mlade osobe na temu samozapošljavanja, gdje bi predavač bio iz Centra za edukaciju i obrazovanje, dok bi ulogu afirmatora imao mladi poduzetnik iz zajednice Semir Mehanović, koji bi kroz svoja iskustva motivirao druge da se odluče na sličan korak, te da pokrenu vlastiti biznis. Radionicu o uzgoju i branju ljekovitog bilja održala bi mlada osoba iz zajednice Emira Imširović, po struci magistar farmacije, a magistarski rad je radila na temu ljekovitog bilja. Radionicu o potencijalu šumskih plodova vodio bi Hasan Imširović još jedna mlada osoba, po struci bačelor šumarstva, radionica bi se održala u prostorijama Društvenog doma Nahvioci. Radionicu o organskoj proizvodnji vodili bi Kasim Salihović poljoprivredni proizvođač i Nerim Dažfić pomoćnik načelnika za poljoprivredu, diplomirani inženjer poljoprivrede, održala bi se u prostorijama društvenog doma. Radionicu o hortikulturi vodio bi Ibrahim Smajić, prenzioner koji je radni vijek velikim dijelom proveo u Švicarskoj baveći se uzgojom i održavanjem rasadnika ukrasnog bilja / hortikultura. Ukupno će se realizovati 3 stručne edukacije i 4 radionice u prostorijama škole i društvenog doma u MZ Šibošnica, a završni sajam će se organizovati na školskom poligonu.

Naziv aplikanta: NVO „Biciklističke staze – Bike Tour“, Lukavac

Naziv projekta: POLIGON RIJEŠI – MANJE GRIJEŠI!

Odobreno sredstava (KM): 3.473,21

Projekat "Poligon riješi - manje griješi" ima za cilj uputiti učenike za sigurniju i bezbjedniju upotrebu bicikla u saobraćaju. Aplikanti žele stvoriti uvjete za realizaciju praktične obuke vožnje bicikla na školskom poligonu, te realizovati BIHAMK - školsko takmičenje. Edukativne aktivnosti bi se realizovale kroz adekvatne prezentacije u sklopu školskih sekcija uz podršku stručnjaka iz oblasti saobraćajne kulture i volontera. Teme radionica/prezentacija su: "Iza svakog znaka - nagrada za đaka", "Biciklom od kuće do škole" i "Bicikl - NE alternativa NEGO perspektiva". U školama nedostaju edukacije i praktične aktivnosti na ove teme, ali im nedostaju i učila i pomagala za vannastavne aktivnosti iz saobraćajne kulture.